

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i člana 11. stav (2) Zakona o koncesijama Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 5/03), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 70. sjednici, održanoj dana 21.08.2020. godine, d o n o s i

ODLUKU

o dodjeli koncesije za eksploataciju prirodne vode iz vodozahvata „HLADIVODE“ izdašnosti Q = 0,2375 l/s, sa dubine od cca 2,00 m, općina Kakanj

Član 1.

(Predmet)

Privrednom društvu „SAMS GROUP“ d.o.o. Kakanj (u daljem tekstu: Koncesionar) dodjeljuje se koncesija za eksploataciju prirodne vode iz vodozahvata „HLADIVODE“ izdašnosti Q = 0,2375 l/s, sa dubine od cca 2,00 m, na parceli označenoj kao k.č. 1993 u K.O. Tršće i k.č. 2063 u K.O. Vukanovići, općina Kakanj.

Član 2.

(Studija o ekonomskoj opravdanosti)

Daje se saglasnost na „Studiju ekonomske opravdanosti za crpljenje i zahvatanje izvorske vode i flaširanje iste“, urađenu od strane „PERSPEKTIVA-inžinjering“ d.o.o. Visoko, iz maja 2020. godine.

Član 3.

(Vrijeme trajanja koncesije)

Koncesija za eksploataciju prirodne vode iz člana 1. ove odluke dodjeljuje se na 30 (slovima: trideset) godina, računajući od početka korištenja izvorišta, a najkasnije u roku od 3 (slovima: tri) godine od donošenja ove odluke.

Član 4.

(Plaćanje tekuće koncesione naknade)

(1) Koncesionar je dužan da plaća naknadu za korištenje koncesije po ovoj odluci u visini, na način i po postupku i rokovima koji će se utvrditi Ugovorom o koncesiji.

(2) Za vrijeme trajanja koncesije Koncesionar je obavezan da plaća tekuću koncesionu naknadu u visini od 1,5 % od ukupnog godišnjeg prihoda ostvarenog korištenjem predmetne koncesije, koja ne može biti manja od apsolutnog iznosa godišnje koncesione naknade koji iznosi 13.148,78 KM (slovima: trinaesthiljadastotinučetdesetosam i 78/100 KM).

Član 5.

(Plaćanje jednokratne koncesione naknade)

Koncesionar je dužan uplatiti jednokratnu koncesionu naknadu u iznosu od 5.418,48 KM (slovima: pethiljadačetiristotineosamnaest i 48/100 KM), prije potpisivanja ugovora o koncesiji.

Član 6.

(Raspodjela koncesione naknade)

Naknade iz članova 4. i 5. ove odluke predstavljaju prihod Zeničko-dobojskog kantona i općine Kakanj u omjeru koji je određen Odlukom Vlade Zeničko-dobojskog kantona o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija ("Službene novine Zeničko-dobojskog kantona", broj: 1/13).

Član 7.

(Posebna vodna naknada)

Plaćanje naknade za korištenje koncesije ne isključuje obavezu Koncesionara da plaća posebnu vodnu naknadu za korištenje voda u skladu sa Zakonom o vodama ("Službene novine FBiH", broj: 70/06), odnosno u skladu sa vodnom dozvolom.

Član 8.

(Zaključivanje ugovora o koncesiji)

(1) Zadužuje se Ministarstvo za poljoprivredu, šumarstvo i vodoprivredu da u svojstvu Koncesora, na osnovu ove odluke i odredaba Zakona o koncesijama, zaključi Ugovor o koncesiji sa Koncesionarom, kojim će se urediti međusobni odnosi, prava, obaveze i odgovornosti, uz prethodno pribavljeno mišljenje Kantonalnog pravobranilaštva.

(2) Koncesionar je dužan prije potpisivanja Ugovora o koncesiji, a najkasnije u roku od tri godine od donošenja ove odluke, obezbijediti odobrenje za građenje objekata u funkciji korištenja predmeta koncesije.

(3) Ugovor o koncesiji iz prethodnog člana mora sadržavati obavezu Koncesionara da prilikom izgradnje objekta angažuje 60% domaćih privrednih društava u izvođenju radova.

Član 9.

(Stupanje na snagu odluke o dodjeli koncesije)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Mirza Ganić

Broj: 02-11-14175/20

Datum, 21.08.2020. godine

Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „SAMS GROUP“ d.o.o. Kakanj, putem Ministarstva,

1x Općina Kakanj, putem Ministarstva,

1x „Službene novine Zeničko-dobojskog kantona“,

1x a/a.